

APELACIONI SUD BRČKO DISTRIKTA
BOSNE I HERCEGOVINE
Broj: 96 o I 023586 11 Rev
Brčko, 16.11.2011. godine

Apelacioni sud Brčko distrikta Bosne i Hercegovine u vijeću sastavljenom od sudija Kaurinović Damjana kao predsjednika vijeća, Gligorević Ruže i Klaić Ilje kao članova vijeća, u izvršnom predmetu tražioca izvršenja U. M. iz I. S., zastupanog po staraocu L. G., koga zastupa punomoćnik Ć. R., advokat iz S., protiv izvršenika U. R. i mlđb. U. O. iz B., zastupani po punomoćniku M. D. iz B., radi naplate novčanog potraživanja, odlučujući o prigovorima izvršenika protiv rješenja Osnovnog suda Brčko distrikta Bosne i Hercegovine broj 96 o I 023586 10 I od 02.09.2011. godine i od 13.07.2011. godine, na sjednici vijeća održanoj dana 16.11.2011. godine donio je slijedeće

R J E Š E N J E

I Prigovor izvršenika od 12.09.2011. godine se uvažava i rješenje Osnovnog suda Brčko distrikta Bosne i Hercegovine broj 96 o I 023586 10 I od 02.09.2011. godine UKIDA.

II Prigovor izvršenika od 19.07.2011. godine se odbija i rješenje Osnovnog suda Brčko distrikta Bosne i Hercegovine broj 96 o I 023586 10 I od 13.07.2011. godine POTVRĐUJE.

O b r a z l o Ź e n j e

Rješenjem Apelacionog suda Brčko distrikta Bosne i Hercegovine broj 96 o I 023586 11 Gž od 17.05.2011. godine prigovor izvršenika U. R. i mlđb. U. O. izjavljen protiv rješenja o izvršenju Osnovnog suda Brčko distrikta Bosne i Hercegovine broj 96 o I 023586 10 I od 16.12.2010. godine je odbijen, a po službenoj dužnosti isto rješenje o dozvoli izvršenja je preinačeno, tako što je određeno da će se izvršenje provesti isplatom i prenosom novčanih sredstava koje drugoizvršenik ima na računu broj: 09001067116, broj štedne knjižice: 086590 otvorene kod Raiffaisen banke – Istočno Sarajevo, na transakcijski račun staraoca tražioca izvršenja L. G. ul. „S. N.“ broj 2 I. I., broj 161000000000011- T. B., poziv na broj 09001067116, otvoren kod Raiffeisen banke, kako je navedeno u izreci rješenja.

Protiv navedenog rješenja izvršenici su izjavili reviziju, koja je rješenjem Osnovnog suda Brčko distrikta Bosne i Hercegovine broj 96 o I

023586 10 I od 13.07.2011. godine odbačena kao nedopuštena, koje rješenje izvršenici pobijaju prigovorom od 19.07.2011. godine, koji je odbačen kao neblagovremen rješenjem Osnovnog suda Brčko distrikta Bosne i Hercegovine broj 96 o I 023586 10 I od 02.09.2011. godine, protiv kojeg su izvršenici takođe izjavili prigovor 12.09.2011. godine.

Nakon što je ispitaio navode iz prigovora izvršenika od 19.07.2011. godine i od 12.09.2011. godine, ovaj sud je odlučio kao u izreci iz slijedećih razloga:

Prigovorom izvršenika od 12.09.2011. godine osnovano se pobija rješenje Osnovnog suda Brčko distrikta Bosne i Hercegovine broj 96 o I 023586 10 I od 02.09.2011. godine kao nezakonito, jer je takvo rješenje prvostepeni sud mogao donijeti samo pod uslovom da je izvršeno uredno dostavljanje rješenja od 13.07.2011. godine (kojim je revizija izvršenika odbačena) punomoćniku izvršenika umjesto izvršeniku „U. R.“, kako to nalažu odredbe člana 98. stav 1. i člana 102. stav 1. Zakona o parničnom postupku Brčko distrikta Bosne i Hercegovine, koji se prema odredbi člana 20. Zakona o izvršnom postupku Brčko distrikta Bosne i Hercegovine suspendijarno primjenjuje u ovom postupku.

Kako prvostepeni sud nije izvršio dostavljanje navedenog rješenja u smislu citiranih zakonskih odredbi, sud u takvoj situaciji, zbog svog propusta, ne može ići na štetu stranke koja je izjavila prigovor, pa je prigovor izvršenika od 12.09.2011. godine valjalo uvažiti i rješenje Osnovnog suda Brčko distrikta Bosne i Hercegovine broj 96 o I 023586 10 I od 02.09.2011. godine ukinuti, te odlučiti o prigovoru izvršenika od 19.07.2011. godine kao blagovremeno izjavljenom protiv rješenja prvostepenog suda od 13.07.2011. godine kojim je revizija izvršenika odbačena kao nedopuštena.

Prigovor izvršenika izjavljen protiv rješenja Osnovnog suda Brčko distrikta Bosne i Hercegovine broj 96 o I 023586 10 I od 13.07.2011. godine je, po ocjeni ovog suda, neosnovan iz slijedećih razloga:

Odredbom člana 14. stav 1. Zakona o izvršnom postupku Brčko distrikta Bosne i Hercegovine propisano je da protiv pravosnažnog rješenja donesenog u postupku izvršenja i obezbjeđenja nije dozvoljena revizija, niti ponavljanje postupka, na koju odredbu se i prvostepeni sud pozvao u obrazloženju pobijanog rješenja od 13.07.2011. godine kojim je pravilno odlučeno kada je revizija izvršenika od 28.06.2011. godine izjavljena protiv rješenja Apelacionog suda Brčko distrikta Bosne i Hercegovine broj 96 o I 023586 11 GŽ od 17.05.2011. godine odbačena kao nedopuštena.

Iz navedenih razloga valjalo je prigovor izvršenika od 12.09.2011. godine uvažiti i rješenje Osnovnog suda Brčko distrikta Bosne i Hercegovine broj 96 o I 023586 10 I od 02.09.2011. godine ukinuti, a prigovor izvršenika od 19.07.2011. godine izjavljen protiv rješenja istog suda broj 96 o I 023586 10 I od 13.07.2011. godine odbiti kao neosnovan i odlučiti kao u izreci ovog rješenja,

na osnovu člana 344. stav 1. tačka 2. i 3. Zakona o parničnom postupku Brčko distrikta Bosne i Hercegovine („Službeni glasnik Brčko distrikta BiH“, broj 8/09 i 52/10), u vezi člana 20. Zakona o izvršnom postupku Brčko distrikta Bosne i Hercegovine („Službeni glasnik Brčko distrikta BiH“, broj 8/00, 1/01, 5/02, 8/03, 19/07 i 2/08).

PREDSJEDNIK VIJEĆA

Damjan Kaurinović